



NAFARROAKO PARLAMENTUKO

ALDIZKARI OFIZIALA

VII. legegintzaldia

Iruña, 2009ko otsailaren 25a

13. ZK.

A U R K I B I D E A

G SAILA:

Txostenak, deialdiak eta Parlamentuko informazioa:

—Nafarroako Parlamentuak Nafarroako Nazioarteko Kontseiluko kide titular bat eta haren ordezkoa hautatzeko arauak (2. or.).

H SAILA:

Bestelako testu arau-emaileak:

—Nafarroako Parlamentuko lehendakariaren ebazpena, Nafarroako Parlamentuan aurkezten diren eskari-idazkien izapidetzeari buruzkoa (3. or.).

G saila:
TXOSTENAK, DEIALDIAK ETA PARLAMENTUKO INFORMAZIOA

Nafarroako Parlamentuak Nafarroako Nazioarteko Kontseiluko kide titular bat eta haren ordezkoa hautatzeko arauak.

Nafarroako Parlamentuko Mahaiak, 2009ko otsailaren 23an eginiko bilkuran, Eledunen Batzarri entzun ondoren, erabaki hau hartu zuen, besteak beste:

Ikusirik Nafarroako Gobernuaren Ekonomia eta Ogasun Departamentuko Nazioarteko Garapenerako zuzendari nagusiaren idazkia, zeinaren bidez eskatu baitio Parlamentuari Nafarroako Nazioarteko Kontseiluko kide titular bat eta haren ordezkoa bat izenda ditzan.

Kontuan hartuta Ekonomia eta Ogasun Batzordea dela departamentu horri dagozkion gaiak aztertzeke eskuduna, eta beharrezkoa denez aipatu ordezkariak hautatzeko arauak onestea, Erregelamenduko 37.1.9 artikuluari jarraikiz, ERABAKI DA:

Lehena.- Nafarroako Parlamentuak Nafarroako Nazioarteko Kontseiluko kide titular bat eta haren ordezkoa hautatzeko ondoko arauak onestea:

1. Ekonomia eta Ogasun Batzordekoak diren foru parlamentarien artean eginen da hautaketa, txartel bidezko bozketa isilpekoan.

2. Bi ordezkariak aldi berean hautatuko dira, eta foru parlamentari bakoitzak, txartelean, bete beharreko postuak adina izen idatzi ahalko ditu.

3. Boto gehien lortzen duen foru parlamentaria hautatuko da kide titular, eta hari boto kopuruan darraiona, ordezkoa.

4. Postuetakoren baterako berdinketarik izanez gero, botazioak eginen dira berdinketa desegin arte.

5. Hautagaiak aurkezteko epea heldu den otsailaren 27ko 12:00etan amaituko da.

Bigarrena.- Erabaki hau jakinaraztea parlamentu-taldeetako eta foru parlamentarien elkarteetako eledunei, eta arauok Nafarroako Parlamentuko Aldizkari Ofizialean argitara daitezen agintzea.

Iruñean, 2009ko otsailaren 23an

Lehendakaria: Elena Torres Miranda

H saila:
BESTELAKO TESTU ARAU-EMAILEAK

Nafarroako Parlamentuko lehendakariaren ebazpena, Nafarroako Parlamentuan aurkezten diren eskari-idazkien izapidetzeari buruzkoa.

Eskari-eskubideari eta Eskarietarako Batzordeari buruzko araudia VII. Legegintzaldiko berritasuna izan da, eta Osoko Bilkurak 2007ko martxoaren 15ean onetsitako Nafarroako Parlamentuko Erregelamenduaren aldaketaren bidez ezarri da. Gaur egun, Mahaiak 2007ko urriaren 8an onetsitako Nafarroako Parlamentuko Erregelamenduaren testu bateginaren 59. artikuluan araututa dago. Herritarrek Nafarroako Parlamentuan aurkeztu dituzten eskariak, banakakoak eta taldekakoak, osatu beharreko hutsuneren bat utzi dute agerian. Zehazki, bateragarri egin behar dira Erregelamenduaren 37.1.6 artikulua Mahaiari, oro har, esleitzen dion eginkizuna, zeina baita Eledunen Batzarrari entzun ondorekin izaera parlamentarioa duten idazki eta agiri guztiak kalifikatzekoa eta izapidetzekoak diren al ez adieraztea, eta Erregelamenduaren 59.2 artikulua Eskarietarako Batzordeari esleitzen dion eginkizuna, alegia, eskari bakoitza aztertu eta izapidetzekoa den ala ez erabakitzekoa.

Hori dela eta, lehendakari honek, Erregelamenduaren 40.2 artikulua esleitzen dizkion esku-rantzak baliatuz, Eledunen Batzarrak 2009ko otsailaren 23an hartutako erabaki loteslearen ondoren, xedatu du:

1. artikulua. Eskariak.

Eskaritzat hartuko dira, Erregelamenduaren 59. artikuluan eta lehendakariaren Ebazpen honetan xedatutakoaren ondorioetarako, pertsona fisikoak edo juridikoak Nafarroako Parlamentuan aurkeztu dituzten idazkiak, zeinen bidez eskatzen zaizkion objektuaren, eginkizunaren edo lurralde-esparruaren arabera Parlamentuaren eskumenekoak diren gaiei buruzko ekintzak edo erabakiak.

2. artikulua. Prozedura.

1. Legebiltzarreko Erregistroan eskari-idazki bat jasotzen denean, eskaria sartuko da Parlamentuko Mahaiak egin beharreko lehenengo bilkuraren gai zerrendan.

2. Mahaiak, Eledunen Batzarrari entzun ondoren, idazkia kalifikatu eta eskaria jaso izanaren adierazpena emanen du. Halaber, legelari nagusiarri igorriko dio, hark txostena eska diezaien Parlamentuko Zerbitzu Juridikoari.

3. Txosten juridikoa legelari nagusiarri igortzen zaionean, espedientea Mahaiari bidaliko zaio, eskaria behin-behinekoz onartzea edo ez onartzea erabaki dezan.

3. artikulua. Nafarroako Parlamentuko Mahaiak eskaria behin-behinekoz onartzea.

1. Eskari-idazkiak behin-behinekoz onartzea Parlamentuko Mahaiari dagokio, Eledunen Batzarrari entzun ondoren. Horretarako, eskariak idatziz aurkeztu beharko dira, edozein bitartekoren bidez, baita elektronikoa ere, betiere idazkiaren egiazkotasuna ziurtatu ahal bada. Idazkian agertuko dira nahitaez eskaria aurkezten duenaren nortasuna, jakinarazpenak egiteko aukeratu duen lekua edo bitartekoa, eskariaren xede zehatza eta eskariaren jasotzaile zehatza.

2. Eskaria talde batek aurkezten badu, aurreko baldintzak betetzeaz gain, eskatzaile guztiek sinatuko dute, eta sinaduraren ondoan agertuko dira eskatzaile bakoitzaren izen-abizenak.

3. Parlamentuko Mahaiak, behin-behineko onarpena deklaratu ondoren, Eskarietarako Batzordera igorriko du, eta horrek aztertuko du Erregelamenduaren 59. artikuluan ezarritakoari jarraikiz.

4. artikulua. Nafarroako Parlamentuko Mahaiak eskaria ez onartzea.

1. Mahaiak, Eledunen Batzarrari entzun ondoren, ez ditu onartuko:

a) Eskatzaile berak lehenago aurkeztutako beste eskari baten xede bera duten eskariak. Halako kasuetan, eskaria ez onartzea eta artxibatzeari erabakiko da, besterik gabe.

b) Beste eskatzaile batek lehenago aurkeztutako beste eskari baten xede oso antzekoa duten eskariak, aurrekoan izapidera onartu ez bazen edota erakunde, organo edo agintari eskudunari igorri bazitzaion, Parlamentuaren Erregelamenduren 59.3 artikuluan ezarritakoari jarraikiz. Halakotan, eskariaren sinatzaileei igorriko zaie ez onartzearen bana-banako erabakia, zeinak lehenago hartutako erabakiaren ildo berean ebartziko baitu.

c) Edozein erakunde, organo edo agintarirenganako errespetu falta adierazten duten hitzak edo adierazpenak dituzten idazkiak. Eskaria ez onartzea eta artxibatzea erabakiko da, besterik gabe.

d) Eginiko eskaria arrazoirik gabea, arbitrarioa, gehiegizkoa edo zentzugabea dela jotzen denean, eskari zehatzik jasotzen ez duenean edo fede txarra atzematen denean. Eskaria ez onartzea eta artxibatzea erabakiko da, besterik gabe.

e) Idazkiak izapidetzeko beharrezkoak diren gutxieneko baldintzak betetzen ez baditu, 3.1 eta 3.2 artikuluetan xedatutakoaren arabera, erabaki ahalko da, besterik gabe, eskaria ez onartzea eta artxibatzea.

2. Arestian aipatutako kasuetan Legebiltzarreko Mahaiak erabakiaren berri emanen dio eskatzaileari.

5. artikulua. Batzordeak eskariak aztertzea.

1. Eskaria, kasua bada, Eskarietarako Batzordeari igorri ondoren, horrek aztertu eta bidezkoa den erabakiko du, eta hartutako erabakiaren berri emanen die eskatzaileei eskaria aurkeztu eta hiru hilabeteko epean.

2. Batzordeak eskumenik ez duela uste badu, eskaria ezetsiko du eta Parlamentuaren lehendakariaren bidez igorriko dio bere ustez eskuduna denari:

a) Parlamentu-taldee, Parlamentuan ekimenean bat bultzatu ahal izan dezaten, egoki baderitzote.

b) Nafarroako Gobernuari edo gaiaren arabera eskudun diren departamentuei, eta harekin batera, bidezkoa bada, eskariaren edukari buruzko azalpen-eskea.

c) Gaiaren arabera eskudun gisa hartzen duen administrazio publikoetako beste edozein organori, agintariri edo erakunderi.

d) Nafarroako Foru Komunitateko arartekoari, bere foru lege arautzaileak ezarritako ondorioetarako.

3. Halaber, bidezkoa izanzen da eskaria ez onartzea eta artxibatzea ordenamendu juridikoan baldin badaude beste administrazio-prozedura edo prozedura parlamentario edo judizial zehatz batzuk eskariaren xedea lortzeko.

4. Halaber, ez dira onartuko eskariak, horien xedearen gainean jada hasitako administrazio-prozedura edo prozedura parlamentario edo judizial bat bada, prozedura horiei buruzko ebazpen irmoa ematen ez duten bitartean.

5. Eskari bat izapidetzeko onartu ondoren, Eskarietarako Batzordeak erabaki ahalko du eskatzaileek agerraldia egitea, komenigarritzat jotzen badu. Eskarietarako Batzordeak egoki diren erabakiak hartuko ditu izapidetzeko onarturiko eskariei dagokienez, eta horiei buruzko gomendioak egin ahalko dizkie botere publikoei eta erakundeei.

6. artikulua. Eskariak iraungitzea.

Legebiltzarraren agintaldia amaitu eta legebiltzarrerako hauteskundeak deitutakoan, aztertu eta ebatzi gabe dauden eskari guztiak iraungi egiten dira. Parlamentuko lehendakariak eskariak iraungi izanaren berri emanen die eskatzaileei, eta idatzi berean adieraziko die legebiltzar berria noiz osatuko den, handik aurrera eskatzaileek beren eskubi-dea berriro balia dezaten, bidezkoa jotzen badute.

Xedapen iragankorra

Ebazpen hau aplikagarri izanzen zaie gaur egun ebazteke dauden eskaerei.

Azken xedapena

Aldaketa honek Nafarroako Parlamentuko Aldizkari Ofizialean argitaratzen den egunean hartuko du indarra.